

茶花女遺事

光緒二十九年五月出版  
光緒三十二年七月再版

(巴黎茶花女遺事)

定價大洋四角五分

口譯者 曉齋主人

筆述者 冷紅生

印行者兼 文明書局

印刷所 上海四馬路胡家宅 文明書局

發行所 上海棋盤街北段 文明書局



茶花女小傳

茶花女英產年十三被法人某甲誘至巴黎父母不之問某甲與女同居處數年一日舍之去女困遂爲娼既爲娼有銀行某乙悅女美思博其歡心有所求竭力奉之不稍吝有頃女相謂曰君待我厚君能爲我於八羅巴沙所立生街營一華屋以謀常聚否緣其處爲巴黎最貴重之地非有爵及大富貴人不易居乙果出巨資購一屋雖華美仍不當女意迺更營造臺閣園林務窮壯麗諸富貴家不是過女相宅言固佳惟嫌樓梯不如白石之爲愈乙卽飭人至意大利購回易以白石落成日女偕乙入室爲跳舞會比第三夜之夜半會將散乙忽逝索不獲意必醉歸破曉園丁報稱乙於池畔持鎗自擊死女驚幾絕急馳告其家其家來收殮然終莫測其死由日向午市相傳乙父所設銀行虧閉索負者麇集始悉乙爲女故用去四萬鎊先傾其家資不足則繼以告貸約期在卽無以償先一日自盡人廉得其情登諸日報僉謂乙之破家亡身非乙之不惜其身家亦女之美有以致

之。此。事。一。播。遐。邇。慕。女。之。美。自。本。國。之。王。公。大。人。富。商。巨。賈。洎。他。國。貴。人。咸。願。一。親。芳。容。以。爲。快。會。其。時。拿。破。崙。第。三。爲。法。皇。之。三。年。三。月。爲。賽。花。會。國。人。空。巷。往。觀。國。皇。亦。出。遊。行。女。衣。服。麗。都。以。玫。瑰。花。飾。車。輪。沿。途。撒。牡。丹。花。車。從。上。過。性。癖。嗜。茶。花。價。極。昂。每。朵。計。四。鎊。女。購。盈。掬。餘。置。車。中。偶。遇。皇。以。茶。花。遙。擲。皇。初。不。爲。動。如。是。三。日。日。下。午。又。與。皇。遇。女。嫣然。一。笑。擲。以。花。落。地。上。皇。下。車。取。嗅。之。插。衣。間。女。促。御。者。曰。趨。歸。皇。將。臨。幸。潔。其。室。陳。設。一。新。俄。皇。至。女。出。迎。皇。握。手。與。入。室。女。工。媚。皇。惑。遂。留。宿。厥。後。皇。時。幸。女。所。以。此。欲。求。事。者。懼。得。罪。者。各。出。重。金。請。女。爲。諸。先。容。丐。女。爲。諸。解。脫。女。暴。富。未。幾。拿。破。崙。與。德。戰。而。敗。爲。民。逐。而。亡。平。素。與。女。往。還。諸。富。貴。人。經。茲。大。亂。悉。貧。困。女。前。以。餘。資。購。諸。業。股。票。忽。倒。閉。以。貴。重。服。物。及。屋。宇。等。相。抵。且。不。足。女。至。瑩。獨。無。所。依。而。其。年。已。三。十。七。八。矣。取。生。平。親。歷。之。事。詮。次。成。書。並。將。名。人。所。贈。詩。歌。函。札。附。印。於。後。書。肆。代。爲。印。成。書。一。部。售。五。佛。耶。以。其。價。之。半。與。女。猶。不。能。恃。以。爲。生。女。患。肺。病。久。居。人。家。高。樓。上。冬。嚴。寒。數。

日。不。出。樓。下。人。訝。甚。遣。捕。往。探。視。女。身。僵。禦。夾。衣。已。凍。死。女。死。無。過。間。捕。房。爲。盛。殮。頗。草。草。葬。叢。葬。中。逾。數。月。有。俄。親。王。至。訪。女。已。死。請。於。捕。房。欲。詣。女。葬。所。竟。追。慕。之。情。捕。房。徇。其。請。命。捕。導。往。至。則。雪。深。數。尺。不。得。其。處。故。例。葬。塚。者。其。子。孫。友。人。得。爲。立。一。小。石。碣。其。貧。者。立。一。木。牌。女。家。無。人。捕。房。爲。挿。木。籤。一。雪。積。沒。脛。搜。檢。良。艱。親。王。市。花。圈。千。餘。於。土。稍。墳。起。者。供。一。花。圈。冀。女。亦。得。露。被。也。統。核。女。用。人。之。財。約。八。千。萬。鎊。洵。泰。西。近。代。女。中。之。傑。出。者。矣。至。入。羅。巴。沙。所。立。生。街。之。屋。入。此。室。處。者。輒。亡。均。相。戒。不。敢。居。後。人。爰。歷。叙。女。之。顛。末。輯。爲。成。書。書。出。各。國。爭。購。小。仲。馬。則。借。其。名。著。茶。花。女。遺。事。一。書。而。其。中。情。致。之。纏。綿。筆。力。之。雄。健。尤。足。爲。諸。小。說。之。冠。

## 巴黎茶花女遺事

曉齊主人歸自巴黎。與冷紅生談巴黎小說家均出自名手。生請述之。主人因道仲馬父子文字。於巴黎最知名。茶花女馬克格尼爾遺事。尤爲小仲馬極筆。暇輒述以授冷紅生。冷紅生涉筆記之。

小仲馬曰。凡成一書。必詳審本人性情。描畫始肖。猶之欲成一國之書。必先習其國語也。今余所記書中人之事。爲時未久。特先以筆墨渲染。使人人均悉事係紀實。雖書中最關係之人。不幸歿死。而餘人咸在。可資以證此事。始在巴黎觀書者。試問巴黎之人。匪無不知。然非余亦不能盡舉其纖悉之事。蓋余有所受而然也。余當一千八百四十年三月十三日在拉非德見黃榜署拍賣日期。爲屋主人身故。身後無人故貨其器物。榜中亦不署主人爲誰。准以十六日十二點至五點止。在恩談街第九號屋中拍賣。又預計十三十四二日。可以先往第九號屋中省識。

其當意者。余素好事。意殊不在購物。惟必欲一觀之。越明日。余至恩談街。爲時尙早。士女雜沓。車馬已紛集其門。眾人週閱之下。旣羨精緻。咸有駭歎之狀。余前後流覽。乃知爲勾欄中人住宅也。是時閨秀來者尤多。皆頻頻注目。蓋良窳判別。平時不相酬答。而彼人華妝外炫。閨秀咸已見之。唯秘藏之處。不可得窺。故此來尤蓄意欲覘其所有。亦婦人之常態也。彼勾欄人生時。閨秀無從至其家。今其人既死。閨秀以拍賣來。亦復無碍。爾時衆心甚疑。器物華貴如是。生時何以弗售。必待死時始行拍賣。議論藉藉。余亦弗載。唯見其中磁器錦繪。下至玩弄之物。匪所不備。余是時尾羣。閨秀之後。隨物睇玩。最後入一夾室。以波斯花錦爲壁。衣閨秀甫入。咸相顧微哂。而出貌若慚怍。余甚疑。乃徑入視之。蓋更衣室也。屋中惟此室。最爲纖麗。中設長几。一徑三尺。長六尺。依壁東隅。几上陳設均首飾。黃白爛然。無他物。余疑此物非一人之力能任。必叢聚貴游子弟。方足辦此。余每及一物。甚歎其暴殄。然其人已死。未始非冥冥之中。護惜使其人不經陽。遣以去也。大抵人生醜

行。不宜與人并老。於婦女尤甚。昔有名娼年老。只有一女名魯意子。其豔麗不減其母。少時其母乃誨之淫。教之諂。魯意子若習爲其藝者。不知其恥也。女接所歡。媯而其母下之。遂病。尋有人拯女以去。調攝無效。卒以病死。今其母尙在天。不天促此母。不甯有意耶。余觀物時。心忽思此。乃痴立弗去。司宅者以余爲涎其物也。守余亦弗去。余始問守者。主人誰也。守者曰。此馬克。格尼爾。姑娘妝樓也。夫馬克生時。余固聞其名。其人亦屢見之。聞守者言。始知其死。問死何日。曰。已二十有一日矣。余曰。密室之中。寶物充物。奈何縱人游覽。守者曰。物貴欲先使識之。以求善價。余曰。得錢誰歸。曰。逋負纍然。不去物。無復能了。余曰。馬克舉責乎。曰。多矣。盡物能完責乎。曰。有羨。余曰。羨復誰歸。曰。彼家尙有人耳。余遂出。因念馬克生時。冶游者爭與之狎。今死未久。宮中已無人蹤。轉眼繁華。蕭索至此。余無謂之感。涕不覺爲馬克。纏綿不已。亦不自知何心。方馬克死時。余新從客邊歸。以平時不習。冶游。無告我。以馬克之事。若狎客則雖知馬克之死。亦不知慨甚哉。欲求少年。眼淚。



之難也。馬克常好爲園游。油壁車。駕二騾。華妝照眼。遇所歡於道。雖目送之。而容甚莊。行客不知其爲夜度娘也。旣至園。偶涉卽返。不爲妖態。以惑遊子。余猶能憶之。頗惜其死。馬克身身玉立。徂長裙。僂僂然。描畫不能肖。雖欲故狀其醜。亦莫知爲辭。修眉媚眼。臉猶朝霞。髮黑如漆。覆額而仰。盤於頂上。結爲巨髻。耳上飾二鑽。光明射日。余念馬克操業如此。宜有沉憂之色。乃觀馬克之容。若其整暇。余於其死後。得烏丹所繪像。長日輒出展玩。余作書困時。亦恒取觀之。馬克性嗜劇場。中人恆見有麗人。撚茶花一叢。卽馬克至矣。而茶花之色。不一。月之中。拈白者廿五日。紅者五日。不知其何所取。然馬克每至巴遜。取花花媼稱之曰茶花女。時人遂亦稱之曰茶花女。女在巴黎二年。前曾從一公爵在巴克尼。公爵絕愛重之。欲爲落籍。而女不能舍。先是一千八百四十二年。馬克春病。醫言須水飲。唯巴克尼水佳。當就汲之。馬克至巴克尼。時故家眷屬咸集。有一公爵女公子。年與馬克埒。眉目衣飾。與馬克畢肖。毫髮無何。女公子死。公爵啣哀。不可以狀。一日閒行隄上。

柳陰濃翳中見馬克微步苔際倩影亭亭酷肖其殤女大驚因與馬克執手道姓氏自言殤女神情與馬克肖請自今移所以愛女者愛馬克馬克許之既成約而知馬克者爭說於公爵以馬克賤宜毀其約顧公爵痛女切無馬克弗適也於是與馬克更約命脫身出勾欄凡有所需無不立應馬克亦許之夏令既殘馬克愈公爵遂携歸巴黎形影相屬議者以爲公爵老矣乃昵少艾謠言遽起孰知公爵之愛馬克實以愛女待之不涉他意馬克既歸巴黎仍不能屏絕遊讌讖者紛語公爵不應取蕩婦爲女公爵疑之造馬克問馬克無言請絕公爵情切殤女無馬克亦弗怡間八日公爵復來曰今余請勿問爾事但得常常晤面如見吾女可乎凡此皆得諸人言咸在一千八百四十二年冬間事也於是余於十六日一點鐘仍至恩談街甫臨門外卽聞人聲喧雜屋中之人均巴黎望族及名媛咸逮焉余是時在人叢中一人舉物憑高而呼嗜之者爭鬯價以得因思當日以重價購之今復以重價售之來路既悖今之脫失亦易焉此中若有主宰兼司之可異也移

時衣飾諸物一闕俱盡。惟有書一卷。高座者呼曰。此漫郎攝實戈也。價十佛郎。佛每錢約合華銀二八分餘仿此傍有人答曰。十二佛郎。余則以十五佛郎彙之。每彙愈高。余終以

百佛郎得之。余此時動於客氣。不知何由與人競買。及既得書而苦無錢。乃令司賣者送至余寓。書上草書云。亞猛著。彭贈馬克。慚媿數字。余疑慚媿二字。不知所謂。豈馬克生時亦深悉漫郎之爲人。媿弗如乎。抑豈亞猛以此譏馬克耶。然亞猛苟譏馬克。馬克豈復受之。且漫郎名娼也。生時喧鬧。死亦寂寞。與馬克身世略近。漫郎臨命時。以首枕所歡臂上。此時性情一歸於正。其人至欲以己之眼淚。滋土築其墳。余觀拍賣時。人聲雖喧闐。實則馬克之死。與漫郎等一寂寞耳。綜計此時拍賣所得一百五十千佛郎。以三分之二歸債家。餘五十千佛郎。與馬克之姊及其兄。女姊屏居鄉曲。一日驟得巨貲。若出意外。自時厥後。巴黎之人。幾無稱馬克者。忽一日有叩余關者。閤者以刺入。則亞猛著。彭也。余閃爍若審其名。已而大悟。卽漫郎書中所署名之人。余思此人爲馬克所識。何爲見枉。卽肅客入。客頹而

長容色慘淡。又一身急裝。似遠行始至。滿襟猶塵土也。蹙然顛聲欲哭。告余曰。僕有深憾。不及整衣而至。君能哀吾心而原諒之歟。且我與君均壯年。知君非齷齪好苛禮者。故匆遽敢以情達。余行裝尚在逆旅。行滕未發。已馳君門。猶恐見君弗及耳。時天尙寒。余乃延客至近火處坐。客出巾掩面極哭而咽。其聲移時言曰。君深居。應未料清晨之間。乃有不速之客。唐突至此。實則此來將丐大情于君。其許我否。余趣之言。客曰。馬克家拍賣時。君見之乎。語至此。客已噉然而號。須臾復曰。吾行狀怪特可笑。君固容之。未知更能忍須斯畢。吾說乎。余曰。設能止君之悲。吾甚樂爲之。君速言。我視力所及。不敢自愛。客曰。君於拍賣時曾市得馬克樓中物乎。余曰。有得書一卷。客曰。得毋其書爲漫郎攝實戈乎。余曰。然。客曰。書在乎。在余寢室。客聞言。知書存。色頓舒。若卽謝余爲能藏其書者。余入室取書授之。客展書至第一頁。見署名尙存。而眼淚已沾濕書上。曰。君蓄意愛寶此書乎。余曰。何謂曰。求割愛耳。余曰。是書固君贈馬克乎。曰。然。然則是書歸君。固余願。客踉蹌移

時轉若難出諸口。察其意。殆欲以償歸。余曰。值無多。余亦忘之。擬以贈君。客曰。君此書以百佛郎得之。奈何言忘。余曰。君何由知之。客曰。吾始至巴黎。卽赴司拍賣家。取其簿籍觀之。上有君名。署此書以百佛郎取去。亞猛言至此。幾疑余與馬克有故。余微覺之。卽曰。吾識馬克。目識而已。於其死也。憐其絕世麗質。委於塵土。故寶其遺物。且此書吾蓋與人鬥價而得。非與馬克有情。重價以取之也。今物歸其主。幸勿以儉見待。客悅。以手挽余曰。畢吾世不忘君惠。余感亞猛之義。欲知馬克軼事。既而自媿有贈書之惠。患有挾而求。遂不卽問。客已預知之。問曰。君竟此書乎。余曰。竟矣。客曰。吾標識其上。君喻吾意乎。余曰。見時卽知君與馬克。非常交契。客曰。君解事極矣。吾馬克殆仙也。言次。出馬克書授余。余受書。見小箋摺疊數四。似已讀過數百遍者。書曰。亞猛足下。得書感君念我。知蒼蒼尙有靈也。書諭吾病。吾果病。計此後當不能起。然君能憐我。我之呻楚已祛其半。吾自度與君更無握手之日。然甚愛君此手。能委婉陳書與我。我百計自治。已無良劑。其尙望後。

此。可。以。略。蘇。其。在。亞。猛。賜。我。數。言。之。力。乎。究。竟。病。勢。沉。頓。更。生。爲。難。所。恨。數。百。里。之。隔。艱。於。一。見。然。君。心。亦。知。爾。之。馬。克。病。中。梳。掠。俱。罷。衣。飾。不。施。鏡。裏。另。若。一。人。矣。吾。又。轉。喜。不。與。君。相。見。之。爲。得。也。君。往。日。書。來。靳。我。釋。憾。君。心。馬。克。安。有。不。知。蓋。君。蓄。難。訴。之。情。懷。不。釋。之。疑。念。而。見。詆。吾。愈。知。君。篤。念。之。深。實。有。激。而。爲。此。也。一。月。之。中。吾。偃。臥。繩。榻。匪。日。不。思。苟。能。御。筆。卽。有。日。記。至。聲。嘶。氣。咽。腕。不。能。支。方。已。君。若。見。哀。來。時。計。吾。已。死。急。赴。吾。女。友。于。舒。里。著。巴。家。當。得。吾。日。記。君。讀。記。時。當。知。我。原。宥。意。中。之。人。卽。向。有。芥。蒂。至。此。已。復。消。釋。於。舒。里。愛。我。甚。深。吾。每。見。于。輒。道。君。情。懷。爾。日。君。書。來。時。于。適。在。侍。吾。疾。讀。罷。各。相。汎。瀾。吾。扶。病。作。日。記。時。雖。極。悲。惋。尙。是。苦。中。樂。處。君。讀。記。明。我。向。日。之。心。因。而。釋。憾。於。我。此。卽。君。深。慰。薄。命。人。也。吾。本。欲。以。篋。中。之。物。餉。君。以。爲。遺。念。然。微。息。尙。在。而。鏡。篋。衣。笥。寸。寸。已。非。吾。物。不。能。更。留。與。君。亞。猛。足。下。爾。知。吾。氣。息。僅。屬。時。隔。隣。債。家。及。巡。捕。諸。人。履。聲。蹀。躩。若。防。吾。尺。寸。之。物。屬。他。人。者。吾。雖。未。死。猶。岌。岌。不。保。此。物。卽。爲。吾。有。唯。願。吾。死。

時始付拍賣耳。嗟乎鄙夫之見，令人難耐。此豈上天所貽之正理耶？抑人心之變耶？唯拍賣時，君須一至，購吾棄物一具，如緝吾身。吾非不知留物貽君，第盡室已屬他人，又有監視之人物，貽所歡轉嫁遺孽，吾命已在旦夕。計哀苦軀殼，從今可以遺脫。苟天從人願，在未死以前，可以見君一面，固知福薄弗能至也。此永別矣。君當審吾不能長書爲吾原宥也。余讀馬克書至末幅，僅辨字畫而已。蓋病革時，傾側不復成書。讀已，以書還客。客曰：君讀是書，纏綿敦摯，謂勾欄中有此通品耶？今不復見矣。迴思見愛之深，再眷一人，必不類此。吾安能矚矚冥冥聽其長逝？且彼臨終尙聞呼我始卒，嗟哉！吾馬克也。於是亞猛忍淚向吾執手曰：度君見我行爲，直一童騃，怪吾全力傾注，是人殊未知馬克生時，經吾凌挫，無所告語。彼泰然弗以爲意，吾始以爲馬克負我，孰知今日百鞭吾身，猶不足蔽吾辜也。吾將縮吾十年之命，迸爲一日淚痕，哭我馬克也。余聞亞猛言，不知所慰，又不知馬克事，要領莫得計，無由止亞猛之悲。顧余自信篤實，或且見聽，乃問亞猛曰：君有無親屬？

在巴黎。吾與君初面。知君之哀。惟不知所以慰之。亞猛曰。君言良是。然吾自悲其悲。強以晤君。非理也。君得毋煩乎。余曰。君誤會矣。吾自策其力不足。殺君之悲。苟吾輩行中有能慰君。吾且助之。詎有重君深情。乃苦煩耶。亞猛謝余以爲昏惘。失次。請以三分鐘爲限。俾眼淚乾。無令市人指目爲笑。又懇懇以賜書爲惠。屢言所報。余曰。凡人悲戚莫慰者。以旁觀之人。不知其所以然。今請君言其顛末。使吾得乘其閒隙。語君使愁懷消釋。爲計不更得乎。客曰。善。惟今日爲吾恣哭馬克之日。不能語君以詳。請俟他日。始知吾眷斯人。殊非無故言已。臨鏡自照。拭淚再訂。後約而涕已復交於頤。余再四慰之。客乃堅忍出門。余掀簾視客在輿中。已掩面號咷矣。自爾遂不得消息。然而巴黎中亦稍知有亞猛之事者。一日余問一友人以馬克事。友人曰。卽所謂茶花女者乎。我固識之。余問女之生平如何。友曰。視他人略聰慧耳。余曰。其友爲誰。友曰。聞某伯爵爲女幾破其家。又某公爵老矣。縞愛暱之所費纏頭不少也。余歷數人。談馬克者如出一轍。欲偵亞猛之事。卒無知者。訖



詢之老狎客。略有知亞猛事。然亦彷彿。不能終究根柢。余疑亞猛忘懷。然深思其人。必非無信。乃至馬克舊居。詢閹者。而司閹已易。余徑至馬克墓上。冀亞猛來。可以一見。墓在一巨園中。繚垣週焉。司墓者出巨冊一。余問以二月廿二日。有女郎馬克葬此乎。司墓者檢籍得之。呼侍者引視其處。侍者不待詞畢。卽曰。吾知之。余問侍者墳台纍纍。爾安辨其爲馬克者。侍者曰。彼墓叢花環之。吾方歎。顯宦子孫。得如彼少年之待馬克。可以無憾。於是沿徑數轉。卽見茶花百餘叢。瑩潔咸作玉色。中裹一小墓。余審其爲馬克無疑矣。侍者言彼少年來時。言花少謝。卽當易其鮮妍者。勿令吾女郎墓上見殘英也。吾聞墓中人麗絕。爲彼少年所眷。君識之乎。余曰。識之。侍者曰。君識是人。亦如彼少年之挈耶。余曰。吾聞名而已。侍者曰。然則君亦有心。巴黎人咸若君之重馬克。吾恐步履所及園中草木。且弗生矣。余曰。此墓終無人至乎。卽彼少年一至耳。余曰。少年眷此墓中人。一至。詎復卽了。曰。彼一慟後。卽往馬克姊家。議更葬之。余曰。何謂侍者曰。此官地葬。此期以五稔移其。